

Datum: 06.03.2025. godine

SAOPŠTENJE ZA MEDIJE

Održane inkluzivne sportske igre u okviru projekta „UKLJUČITE SE SVI DA MOŽEMO I MI“

U okviru projekta „UKLJUČITE SE SVI DA MOŽEMO I MI“ održane su inkluzivne sportske igre koje su jedna od aktivnosti programa „Okvir za realizaciju Ciljeva održivog razvoja kao temelj za održiv i inkluzivan rast u Bosni i Hercegovini“ (SDG2BiH), koji finansira Švedska, a implementira UNDP u partnerstvu s UNICEF-om i UN Women u BiH u okviru opšte podrške koju Ujedinjeni narodi pružaju bh. vlastima u implementaciji SDG Okvira u BiH.

Sportske igre su održane na adaptiranom sportskom igralištu, koje je sanirano i opremljeno kroz ovaj projekat, čime su stvoreni bolji uslovi za inkluzivne sportske aktivnosti i rekreaciju mladih.

Događaj je okupio učenike Osnovne škole „Hrasno“ i učenike Škole za srednje stručno obrazovanje i radno osposobljavanje u Novom Sarajevu, pružajući im priliku da se povežu kroz sport i zabavne igre, te ojačaju timski duh. Takmičari su učestvovali u disciplinama poput preciznog gađanja čunjeva, ubacivanja loptica u cilj, trčanja u vrećama i drugih aktivnosti prilagođenih svim učesnicima. Nakon sportskog dijela, druženje se nastavilo u vedrom duhu, dodatno naglašavajući poruku zajedništva i jednakih mogućnosti za sve.

Događaju su prisustvovali i predstavnici međunarodnih organizacija i lokalnih vlasti, među kojima je bila predstavnica Ambasade Švedske, te predstavnici programa SDG2BiH i Općine Novo Sarajevo. Njihovo prisustvo dodatno je potvrdilo važnost ovog projekta i posvećenost institucija unapređenju inkluzivnih praksi u zajednici.

Projekat „UKLJUČITE SE SVI DA MOŽEMO I MI“ doprinosi unapređenju uslova za inkluziju mladih s poteškoćama u razvoju kroz aktivnosti poput adaptacije i opremanja sportskih igrališta, modernizacije prostorija za praktičnu nastavu, organizacije edukativnih i kreativnih radionica i uspostavljanja multisektorske saradnje s ciljem poboljšanja podrške i integracije ove populacije u društvo i tržište rada.

Održane sportske igre još jednom su pokazale da inkluzija i zajedništvo donose radost i osnažuju zajednicu.